

## Quid vocas paſionem?

Passio Christi est obedientia admiranda et inenarrabilis, quam Christus dominus noster sciens, volens libensque praestitit in tolerandis animae et corporis acerbissimis cruciatibus, vt iu-[66:]stitiae diuinae hac vera reuerentia et subiectione aequiualens precium pro peccatis totius generis humani persolue- 5  
retur et Pater placatus hoc sacrificio reciperet confugientes ad ipsum fiducia huius mediatoris et victimae et liberatis a maledictione legis a tyrannide diaboli et a morte aeterna gratis donaret propter Filij meritum et intercessionem iustitiam et vitam aeternam.

## Quotuplex est meditatio paſionis Christi?

10

Triplex: paedagogica, spiritualis, exemplaris seu paradigmatica. Paedagogica meditatio est saepe legere narrationes, quae apud quatuor euangelistas extant de historia paſionis Christi, easque conferre cum vaticinijs prophetarum, vt haec collatio historiae et praedictionum confirmet in animis assensum, quo hunc articulum amplectimur. Pueris in primis nota sit prima promiſſio Gene. 3,<sup>113</sup> Psalmus 22, Esaiae cap. 53<sup>114</sup> et Danielis cap. 9.<sup>115</sup> [67:] Spiritualis 15  
meditatio est cogitare causas paſionis Christi, magnitudinem peccati et irae Dei aduersus peccata generis humani, temperamentum misericordiae et iusticiae in Deo, amorem Filij Dei et illam inenarrabilem humilitatem Filij, et in tantarum rerum cogitatione exuscitare timorem Dei et fidem. Exemplaris meditatio est imitari humilitatem et patientiam Christi et considerare imagines pingentes statum ecclesiae, quam Deus vult fieri conformem imaginis Filij 20  
sui, <sup>r</sup>Roma. 8.<sup>r116</sup>

---

<sup>r-r</sup> Roma. 7: D, F, G.

---

<sup>113</sup> Vgl. Gen 3,15.

<sup>114</sup> Vgl. Jes 52,13–53,12.

<sup>115</sup> Vgl. Dan 9,1–19.

<sup>116</sup> Vgl. Röm 8,29.